

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq Naalakkersuisut matumuuna saqqummiuppaat

Siunnersuut uunga: Kalaallit Nunaanni angallannermut inatsisip allannguutaa (nunap isikkua eqqarsaatigalugu sumiiffinni biilinut oqinnerusunut, biilinillu taakkunannga aquttunut niaqqumut illersuuteqarnissamut piumasaqaat) pillugu Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut (Isumaginninnermut, Suliffeqarnermut, Ineqarnermut, Attaveqaasersuutinut, Isorliunerusunullu Naalakkersuisoq)

Tunngavilersuut

Ineqarnermut, Attaveqaasersuutinullu Naalakkersuisup aamma danskit Angallannermut ministeriata 2025-mi maajip 8-ani isumaqatigiissuteqarnerisa kingunerisaanik, ATV-nik aamma UTV-nik angallanneq pillugu Kalaallit Nunaanni angallannermut inatsisip allanngornissaanik siunnersuut suliarineqarpoq.

Siunnersuut tulliuttunik imaqarpoq

- Illoqarfiit anginerit eqqaassanngikkaanni ingerlatsisinnaanermut allagartaqarnissamik piumasaqaammut ATV-t, UTV-llu ilanngunneqassanngitsut.
- ATV-ni aamma UTV-ni qitequtaasamik isumannaallisaammik atareersumik, imaluunniit silataatigut qajannaatsumik assiaqummik atareersumik peqanngitsuni, angallassissutinik angalatilluni niaqorornaveeqquteqarnissamik piumasaqaateqalissaaq.

ATV-t aamma UTV-t nunaqarfinni atorneqarsinnaanerat annertusissallugu kiisalu ATV-inik aamma UTV-nik angalatilluni aquttunut, ilaasunullu isumannaallisaaneq annertusissallugu siunnersuutip siunertaraa.

Suliassanik ATV-nik imaluunniit UTV-nik angallatilerluni suliarineqartariaqartunik sulisut suliaqartinnissaannut ilaatigut kommunit, Pilersuisullu ajornartorsiuteqartarnerinik nunaqarfinnit nalunaarutigineqartarnerat, ATV-nik aamma UTV-nik ingerlatsisinnaanermut allagartaqarnissamik piumasaqaat inoqarfinni mikinerusuni ilanngunneqannginnissaannut tunuliaqutaavoq. Nunaqarfinni ingerlatsisinnaanermut allagartartaartoqarsinnaanngilaq. Ineqarnermut, Attaveqaasersuutinullu Naalakkersuisoqarfik paasitinneqarpoq, sulisup ingerlatsisinnaanermut illoqarfimmi allagartartaarnissaanik sulisitsisup akiliuteqartarnera ajornartorsiummut aaqqiissutissaanngitsaq. Ilaatigut sulisut illoqarfimmukarlutik ingerlatsisinnaanermut allagartartaarnissaminut tunuarsimaarsinnaasarpur. Ilaatigut sulisoq ingerlatsisinnaanermut nutaamik allagartalik, illoqarfimmi ingerlatsisinnaanermut allagartaqarnissamik piumasaqaateqarfiusumi sulilernissaminik pariarfissaqarnera patsisaalluni sulisitsisup sulisoq annaasinnaasarpaa.

Ingerlatsisinnaanermut allagartaqarnissamik piumasaqaammut ilaatitsinnginneq, inoqarfinni ingerlatsisinnaanermut allagaqartaqarnissamik ilaatinneqanngitsuni isumannaatsumik angallannermut annertuumik kinguneqassangitsoq nalilerneqarpoq. Inoqarfinni pineqartuni qamutit assakaasullit, inuillu ikitsuinnaanerit aamma aqqusineqarpallaannginnera imaluunniit aqqusineqannginnera patsisaavoq. Tamanna pillugu arriitsumik angalasassasut, angallattullu amerlassanngitsut naatsorsuutigineqarpoq. Taamaalilluni ajutooratarsinnaanerit ingerlatsisinnaanermut ilinniartitsinerup pinaveersaartissinnaasai annikitsuinnaassapput.

Ineqarnermut, Attaveqaasersuutitut Isorliunerusunullu Naalakkersuisoqarfiup inassuteqarneratigut ATV-nik, UTV-nillu ingerlatsisinnaanermut allagaqartaqarnissamik sumiiffiit piumasaqaateqarfiusussat Transportministeriaqarfiup toqqartussavai.

ATV-nik ingerlatsisut, ilaasullu ajutoorsinnaanerit pinaveersaarniarlugu, niaqorornaveeqquteqarnissaq piumasaqaatalissaaq. UTV-t ilaat qitequtaasamik isumannaallisaammik atareersumik, silataatigullu qajannaatsumik assiaqummik atareersumik peqarput. ATV-nik ingerlatsisoq aamma ilaasoq qitequtaasaqaratik, allatigulluunniit illersorsimanatik ingerlaartarput. Taamaalilluni qamuteralannut imaluunniit knallertitut niaqorornaveeqquteqarnissamik piumasaqaateqarfiusunut eqqaanarput. ATV-t/UTV-t aamma knallertiniit akuerisaasuniit sukkanerusinnaapput.

Pisortanut aningaasatigut allaffissornikkullu kingunerisassat

Ingerlatsisinnaanermut allagartaqarnissamik piumasaqaammik inoqarfinni mikinerusuni sakkukilliliineq, kommuni sulisunik illoqarfinnukartitsilluni ingerlatsisinnaanermut allagartartaatitseqqaarani nunaqarfimmi assartuinissamut kommuni ATV-nik aamma UTV-anik atuinissanut periarfissiissasoq naatsorsuutigineqarpoq. Niaqorornaveeqqutinik peqariinngikkaanni taakkununga annikinnerusumik aningaasartuuteqartoqassasoq naatsorsuutigineqarpoq.

Inuussutissarsioritut namminersortunut aningaasaqarnikkut allaffissornikkullu kingunerisassat

Ingerlatsisinnaanermut allagartaqarnissamik piumasaqaammik inoqarfinni mikinerusuni sakkukilliliineq, inuussutissarsiorfiit sulisunik illoqarfinnukartitsillutik ingerlatsisinnaanermut allagartartaatitseqqaaratik nunaqarfimmi ATV-nik aamma UTV-anik atuinissaannut periarfissiissasoq naatsorsuutigineqarpoq. Niaqorornaveeqqutinik peqariinngikkaanni taakkununga annikinnerusumik aningaasartuuteqartoqassasoq naatsorsuutigineqarpoq.

Innuttaasunut aningaasaqarnikkut allaffissornikkullu kingunerisassat

Ingerlatsisinnaanermut allagartartaarniarluni inoqarfinnut anginerusunukaqqaarani inoqarfinni mikinerusuni ATV-nik aamma UTV-nik ingerlatsisinnaasoqalersitsissasoq naatsorsuutigineqarpoq. Niaqorornaveeqqutinik peqariinngikkaanni taakkununga annikinnerusumik aningaasartuuteqartoqassasoq naatsorsuutigineqarpoq.

Naligiissitsinermut kingunerisassat

Inoqarfinni ingerlatsisinnaanermut allagartartaarfiusinnaanngitsuni innuttaasut ingerlatsisinnaanermut allagartaqaratik ATV-nik, UTV-nillu ingerlatsisinnaalissapput, tamannalu qamutiniq assakaasulinnik unioqqutitsinerunngitsumik atuinissamut periarfissaq eqqarsaatigalugu naligiissitsinermik annertusaassalluni.

Qamutiniq assakaasulinnik sukkasuumik ingerlaartilluni ajutooratarsinnaaneq annertunerusarmat, illoqarfinnilu anginerusuni angallattut amerlanerusarmata inoqarfinni mikinerusuni pineqartuni isumannaatsumik angallanneq, inoqarfinnut anginerusunut saniulliullugu ajortumik sunnerneqassanngitsoq nalilerneqarpoq.

Tusarniaaneq

Transportministeriaqarfiup tusarniaaneq isumagaa. Siunnersuut naalagaaffiup tusarniaaviatigut kiisalu Naalakkersuisut tusarniaaviatigut tamanut saqqummiunneqarpoq, soorluttaaq Kalaallit Nunaanni oqartussanut attuumassuteqartunut aamma Sulisitsisunut nassiunneqartoq. Siunnersuut 2025-mi decembarip 18-ianit, 2026-mi januaarip 19-iata tungaanut tusarniutigineqarpoq.

Ilanngussat

1. Eqikkaaneq
2. Kalaallit Nunaanni angallannermut inatsisip allanngorneranut inatsissatut siunnersuummut missingiut (ingerlatsisinnaanermut allagartaq)
3. Tusarniaaneq pillugu allakkiaq